

मॉर्निंग डोगरी न्यूज़ बुलेटिन, सभें. 09-20 Hrs

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास—खास खबरें कन्नै में श्रुति खजूरिया।

Headlines

1. केन्द्रीय मंत्री नितिन गडकरी होरें बनिहाल फोर लेन बाईपास दे मुकम्मल होने दी घोषणा कीती। एह्दे कन्नै जम्मू कश्मीर च सैलसफा गी बढावा थहोग।
2. रेलवे नै कटरा बनिहाल सेक्शन बश्कार सफल ट्रायल रन कीता। सीआरएस आस्सेआ खीरी निरीक्षण 7—8 जनवरी गी कीता जाग। प्रधानमंत्री होर कल जम्मू रेलवे डिवीजन दा वर्चुअल उद्घाटन करगन।
3. सेहत मंत्री सक्तीना इत्तू होरें लोकें गी बेहतर सेहत सहूलतां हासल करोआने लेई ारी डाक्टरें ते माहिर दी अटैचमेंट रद्द करने लेई गलाया।
4. गुलमर्ग 5में खेलो इंडिया विंटर गेमस दी मेजबानी करोग। मुख्य सचिव होरें इनें आयोजनं गी जम्मू कश्मीर गी अंतर्राष्ट्रीय सतह पर बढावा देने लेई इक मौके दे तौर पर इस्तेमाल करने लेई गलाया।
5. पच्छमी हवाएं दी गड़बड़ी करी जम्मू कश्मीर च हल्की थमां दरम्याने दर्जे दी बरखा पौने ते भारी बर्फबारी दी पेशगोई कीती गई ऐ।

<><><><><><>

Nitib Gadkari

सड़क ट्रांसपोर्ट ते राष्ट्रीय जरनैली सड़क सरबन्धी केन्द्रीय मंत्री नितिन गडकरी होरें रामबन जिले दे बनिहाल कस्बे तोड़ी जाने आली 2.35 किलोमीटर लम्मी ते कन्नो कन्नी चऊं गड्डिणं दे लंघने दी सुविधा आली बाईपास सड़क दा कम्म कामयाबी कन्नै तोड़ चढ़ने दी घोषणा कीती ऐ जेह्दे पर 2 अरब 24 करोड़ 44 लक्ख रपे दी लागत आई ऐ। राष्ट्रीय जरनैली सड़क एनएच—44 दे बनिहाल कोला रामबन तगर आले हिस्से पर बनाए गेदे इस बाईपास पर चार बड्डे पुल ते त्रै लौहकियां पुलियां बी बनाई गेदियां न जिंदी कुल लम्बाई 1 ज्हार 513 मीटर ऐ। अपनी इक सोशल मीडिया पोस्ट च नितिन गडकरी होरें आखेआ जे प्रधानमंत्री नरेन्द्र मोदी हुंदे दूरदर्शी नेतृत्व दे तैहत् तैआर कीती गेदी इस सुधारत्मक परियोजना दी मदद कन्नै जम्मू कश्मीर दे सैलसफा कारोबार च उछाल औग ते कन्नै इत्थूं दे आर्थिक विकास च बी बड़ी मदद थहोग। जम्मू कश्मीर दा दर्ला दुनिया दे सैलसफा दे नक्शे पर होर प्रमुखता कन्नै उजागर होई सकोग। शुरू च इस बाईपास दियां दऊं लेन्स खोलियां जा करदियां न, जिसलै जे 15एं दिनें बाद जक्शन दे तैआर होई जाने दे बाद चार लेन्स इस्तेमाल लेई खोल्ली दित्तियां जांगन।

<><><><><><>

Railway Trail

उधमपुर—श्रीनगर—बारामुला रेलवे परियोजना दे कटरा कोला लेइयै बनिहाल तोड़ी दे हिस्से पर फाइनल इंस्पैक्शन कोला पैहले, कल इक होर कामयाब अजमैश कीती गई। परियोजना दे मुख्य प्रशासनिक अधिकारी संदीप गुप्ता हुंदे अलावा उत्तर रेलवे दे बी केई अधिकारी गड्डी च सुआर होइयै ट्रायल रन च शामिल होए। रेल सुरक्षा सरबन्धी आयुक्त अत्तरूं 7 ते 8 जनवरी गी वैधानिक

निरीक्षण ते अजमैश करगंन जेहदे मगरा ओ इस बारे अपनी मुकदी रिपोर्ट जमा कराई देंगन, जेहदे बाद सिद्दे कश्मीर घाटी तोड़ी रेल सेवा शुरू करने बारे फैसले गी लेइयै कोई एलान कीता जाई सकदा ऐ।

<><><><><><>

Jammu Rly Division(byte)

रेल मंत्रालय उत्तरी रेलवे जोन हेठ दे फिरोजपुर मंडल दा पुर्नगठन करदे होई “जम्मू रेल मंडल” दी इक बक्खरी डिवीजन बनाने जा करदा ऐ जेहदी रस्मी तौरा पर घोशणा ते उद्घाटन प्रधानमंत्री नरेन्द्र मोदी हुंदे आस्सेआ कल कीते जाने दी मेद हैं पैहले जम्मू रेलवे स्टेशन फिरोजपुर डिवीजन हेठ गै औंदा हा। एल्ले भारतीय रेल दे कुल 17 जोनें हेठ 68 रेलमंडल न, जिसलै जे जम्मू हुन 69मां रेलमंडल होग। आकाशवाणी दे जम्मू संवाददाता नै जानकारी दित्ती ऐ जे प्रधानमंत्री मोदी होर कल वीडियो कांफ्रेंसिंग राएं एहदी रस्मी तौरा पर घोषणा ते उद्घाटन करगंन। इस सिलसिले च जम्मू च लगने आले समारोह च जम्मू कश्मीर दे उपराज्यपाल मनोज सिन्हा ते मुख्यमंत्री उमर अब्दुल्ला बी मजूद रौंहगन। इस बारे आकाशवाणी कन्नै गल्ल करदे होई अतिरिक्त मंडजीय रेल प्रबंधक राजीव कुमार सिंह होरें आखेआ

<><><><><><>

Sakina Itoo

सेहत ते मैडिकल शिक्षा मंत्री सकीना इत्तू होरें कल सिविल सचिवालय च इक बैठक लाई। इस दरान उनें सारे डाक्टरें ते माहिरें दी अटैवमेंटें गी रद्द करने दियां हिदायतां दित्तियां, तां जे मरीजें गी बेहतर सेवा हासल होई सकन। उनें संसाधनें दे बेहतर प्रबंधन, पारदर्शिता ते जवाबदेई जकीनी बनाने दे बी निर्देश जारी कीते। मंत्री होरें लोकें तगर बेहतर सेहत सहूलतें दी पुज्ज खास करी ग्रामीण इलाकें च इनें सुविधाएं गी उपलब करोआने पर जोर पायजं मंत्री होरें प्राथमिक सेहत केन्द्रें च माहिरें गी लाने ते मुबाइल हेत सेवाएं च बाद्धा करने लेई गलाया। उनें चला’रदे प्रोजेक्टें गी समें सिर पूरा करने पर जोर पाया। उनें जिला अस्पताल च होर मते जांच केन्द्र कायम करने पर जोर पाया।

<><><><><><>

DDC Reasi ABDP

रियासी दियां जिला विकास आयुक्त निधि मलिक होरें इक उच्च सतह दी बैठक लाइयै अकांक्षी ब्लाक विकास प्रोग्राम तैहत् कम्मै दी प्रगति दा जायजा लैता। बैठक दरान सेहत शिक्षा, पोषण, बुनियादी ढांचे, राई—बाई ते सरबंधी सेक्टरें दी कारकरदगी पर जोर दित्ता गेआ। तां जे बक्ख—बक्ख क्षेत्र च चलाए जा’रदे विकास कम्में गी समें सिर पूरा कीता जाई सकै। उनें कम्में दी अमलावरी च आवा’रदी रूकावटें गी दूर करने, नियमित तौर पर बैठकां लाने ते मुकम्मल होई चुके दे कम्म बारे जानकारी अधिकारिक पोर्टल पर पाने लेई आखेआ। डिप्टी कमीशनर होरें बक्ख—बक्ख मैह्कमें बश्कार तालमेल पर जोर पाया तां ले विकास लक्ष्येंग ी हासल कीता जाई सकै। उनें सब्बने सरबंधी घड़ेंग ी आखेआ जे ओह किट्टे रलियै कम्म करन ते विकास कम्में गी पूरा करन।

<><><><><><>

ते हुन बाकि दिएं खबरें कन्नै श्रुति खजूरिया।

<><><><><><>

CS-Khelo India Winter Games

मुख्य सचिव अटल डुल्लू होरें “खेलो इंडिया सयालू खेड्डें” जनेह आयोजनें दा जम्मू कश्मीर दे सैलसफा गी कुलसंसारी सतह पर बढ़ावा देने लेई पूरा पूरा इस्तेमाल करने दी लरूरते पर जोर दित्ता ऐ। 22 कोला लेइयै 25 फरवरी 2025 तगर गुलमर्ग च

आयोजित होने आली 5में खेलो इंडिया सयालू खेड्डें लेई सददी गेदी इक बैठका दी अध्यक्षता करदे होई डुल्लू होरें एह गल्ल आक्खी। इनें खेड्डें च मुल्खै भरै थमां कोई 1 जहार कोला ब ीमते एथलीट आवा करदे न, जेहड्डे बर्फू पर खेड्डे जाने आलिएं केई खेड गतिविधिएं च हिस्सा लैगन। इस आयोजन लेई तैआरिएं जोरें—शोरें जारी न तां जे 2025 दे इस आयोजन गी शानदार यादगार बनाया जाई सकै। मुख सचिव होरें तैआरिएं कन्नै जुडे दे सब्बने धडें गी आपु च नेडमा तालमेल बनाइयै कम्म करने लेई आखेआ तां जे सुरक्षा, आओजाई, सेहत ते होरने सुविधाएं दी पक्की बवस्था जकीनी बनी सकै ते इनें खेड्डें गी पूरी चाल्ली बवस्था आले ढंगै सिर तोड़ चादेआ जाई सकै।

<><><><><><>

JMC Commissioner(byte)

जम्मू नगर निगम दे कमीशनर डॉ. देवांश यादव होरें कल जम्मू दे ऑकाफ मार्केट च रिसाउंड हीअरिंग केयर सेंटर दा उद्घाटन कीता। इस केन्द्र दा मकसद सुनने च कटिनाई दा सामना करने आले लोकें लेई नमीं ते बेहतर तकनीक पर आधारित विकल्प उपलब्ध करना ऐ। इस मौके अपने संबोधने च डॉ. यादव होरें आखेआ जे ऐसे लोकें दे जीवन दे मयार च बेहतरी आहनने दी एह इक सराहनेजोग पैहल ऐ। साढ़े जिला संवाददाता कन्नै गल्ल करदे होई जम्मू नगर निगम दे आयुक्त डॉ. देवांश यादव होरें आखेआ

<><><><><><>

SCERT Training Programme

प्रदेश शिक्षा अनुसंधान शोध सरबंधी परिषद एससीईआरटी दे जम्मू आले डिजीजनल दफ्तर आस्सेआ विशेष जरूरतें आले बच्चें लेई समावेशी शिक्षा बारे इक रोजा लागरूकता ते सिखलाई कार्यक्रम दा सरिस्ता कीता गेआ। स्कूली शिक्षा मैहकमे दे प्रधान सचिव सुरेश कुमार गुप्ता होरें कार्यक्रमइदा उद्घाटन कीता। उनें समावेशी शिक्षा दे महत्व पर ते राष्ट्रीय शिक्षा नीति 2020 दी अमलावरी पर लोह पाई। इस दरान माहिरें इनें बच्चें दी खास जरूरतें गी पंछाने ते उहदे लेई रणनीति बनाने पर जोर पाया। कार्यक्रम दरान स्कूल दे माहौल गी सब्बने लेई साजगार ते बेहतर बनाने पर जोर पाया गेआ।

<><><><><><>

DC Ramban

रामबन दे डिप्टी कमीशनर बसीर उल हक चौधरी हुंदे मार्गदर्शन च राई—बाई ते सरबंधी मैहकमे आस्सेआ बटोत ते सेरी च पानी राएं खेती करने सरबंधी हायड्रोपोनिक युनिट कायम कीते गे न। एह गैह राई—बाई दे पूरे पराते विकास सरबंधी कार्यक्रम तैह्त पुट्टी गेई ऐ। एह जिले च अपनी किस्मा दे पैहले न। इस तरीके राएं उत्पादक गी मिट्टी बगैर, घट्ट पानी ते घट्ट थाहर च पैदावार हासल होंदी ऐ। इस जतन कन्नै मेद ऐ जे करसानें गी अपनी आमदन दूनी करने च मदद थहोग।

<><><><><><>

Weather

जम्मू कश्मीर च ठंडू दा प्रकोप बरोबर जारी ऐ। पच्छमी हवाएं दे सक्रिय होने करी मौसम च बदलाव कल्लै तगर दिखेआ जाई सकदा ऐ। अजें तगर इंदे करी बरखा जां बर्फबारी नेई होई ऐ। दरम्याने दर्जे थमां भारीबर्फबारी दी मेद कीती जा'रदी ऐ। उआं जम्मू दे मैदानी इलाकें च दरमेयाने दर्जे दी बरखा नेई सकदी ऐ। 7 जनवरी थमां 10 जनवरी बश्कार आम तौर पर मौसम खुश्क रौहग। 11 थमां 12 जनवरी गी हल्की बर्फबारी होई सकदी ऐ। 13 जनवरी मगरा परतियै खुश्क मौसम होई जाग।

<><><><><><>